

MUNDART



Böölimaa

I weer jo gärn e strängere Hundehalter worde, ha aber früeh müesse merke, dass mi as Autoriteet nit so eigne. S liebschte Spiil vo eusem Hündli isch, wenn ich em der Böölimaa mach und äs darf bällen und flüchte. Hei, denn gumpts übers Kanapee, hinder de Vorhäng und under Tisch und Stüehl dure, so schnäll, me würds nie verwütsche. Äs wird vill lieber gjagt, as dass es sälber jagt. Do dra hets meh Freud!

Letschti hämmer s müesse lo operiere. Jetz hets e langi Noot am Buuch mit Fäden und ständig e Plastiggchrage umme Hals, dermits nit an der Wunde schläckt. Wien e rosaroti Satelliteschüssle gwäggelets im Huus ummenand. Und dass d Wunde gschützt isch und gly verheilt, hets au die ganzi Zyt e Body aa, eis wien e Strampelaazuug für Buschi, mit Chnöpf zum Uf- und Zuemache hinden am Fudi. Das gits bym Tierarzt für satti 50 Stutz.

Euses Hündli het d Gwohnet, ass es hüpf und an der Tür vom Wintergarte chratzt, wens use muess. Diisbezüglich ischs aso tipptopp erzooge. Denn zieht men em der Chragen ab, nimmts an d Lyyen und vergisst au s orangesche Seckli nit zum Zämmeläase, wie sich das ebe ghört im Dorf. Das goot alles blind und wie automatisch, schliesslig het me jo au syni Gwohneten und Routine mit em Hund. Aber – und jetz reed I us Erfahrig – in dere Routine chunnt eim halt au nit jedesmol grad in Sinn, ass me jo momentan en aagläte Hund an d Lyne nimmt mit hinde zuenigem Body. Insofärn han I müesse feschtstelle, ass eim settigi Automatische, schnäller as me meint, ganz schön in Schyssdräck chönnen ynyerte, buechstäblig!

Dunden uf der Matte suecht s Hündli wie immer e Plätzli für sys Gschäft und I check am Wägrand obe no churz myni WhatsApp. He jo, wär luegt denn z Nacht im Hund scho ewigs bim Verputze zue, wär? Die Sach isch gly erledigt, komisch isch numme, I find hüt im Schyyn vom Handy niene nüt zum Ufläase mit em Seckli. Byläufig fällt mer allerdings uf, ass das soutüüre, neue Body undenommen am Buuch scho ganz usglyyrt und schlapp durehangt, und das nach nummen einer Wösch.

Zur Feier des Tages und wils esone bravs isch, mach I im Hündli doobe in der Stube derfür non e Rundi der Böölimaa. Hei, het das e Freud, und s gumpt im Body über s Kanapee, hinder de Vorhäng und under Stüehl und Tisch dure, zweimol die ganzi Rundi. Won I ändlig check, was los isch, isch s denn ebe scho zspoot. Do hilft kei Fuchtlent und kei Schreye, wil das nimmt äs in der Freud natürlig as e bsunders toll gmachte Böölimaa und drüllt grad non en Äxtrarundi über alles drüber, – das arm, unschuldig Hündli. Nei, äs cha aso nüt derfür!

Zämmegfasst han I uf der Latte: zwei-stündigi Putzaktion zmitts in der Nacht, Hundsdräck in mittelweicher Konsischtanz uf Heimtextilie, Möbel und wunde Hundebüch, aber ganz bsunders hass I so eländi Bods, settigi mit Chnöpf hinde. Alles klar, no Frooge?

Und die Moral von der Geschicht: Der Hund scheisst auch, ist hinten dicht!

Florian Schneider

Florian Schneider wurde 1959 geboren und stammt aus Reigoldswil. Er ist Sänger, Schauspieler und Liederschreiber und lebt mit Tochter Mina in Eptingen.

VOLKSKLICKS




«Möwen-Escorte» auf dem Vierwaldstättersee – fotografiert von Ernst Inniger aus Gelterkinden.



«In diesem Bergbach findet die Wasseramsel reichlich Nahrung», schreibt Hannelore Stebler aus Sissach zu ihrem Bild.



«Zermatt ist immer eine Reise wert», meint Rosmarie Tschudin aus Liestal zu ihrem atemberaubenden Foto.



Während ihrer Herbstferien im Engadin entdeckte Esther Forter aus Läuelfingen auf Muottas Muragl dieses herbstliche Herz.



Die Hauptübung der Feuerwehr Wenslingen-Oltingen hat Salomé Berni aus Wenslingen ganz nah miterlebt.

Ihr «Volksklick»

Haben Sie ein schönes Bild geschossen? Oder eine interessante Begebenheit fotografisch festgehalten? Dann zeigen Sie es doch als «Volksklick» dem ganzen Oberbaselbiet und schicken Sie es uns!

redaktion@volksstimme.ch

Meteofon
0900 57 61 52
3.13/Min, ab Festnetz

Prognose & Grafik:
Meteotest.ch

Wetter im Oberbaselbiet

Heute ist der Himmel meist bewölkt. Am Morgen und dann wieder ab dem Nachmittag fällt Regen. Dazu frischt der Wind auf. Am Freitag und Samstag bleibt das Wetter wechselhaft mit Aufhellungen.

Aussichten

10° 15°	9° 15°	8° 17°	10° 16°
Freitag	Samstag	Sonntag	Montag

	Aufgang 08:01
	Untergang 18:24
	Aufgang 17:10
	Untergang 03:17
	13. Nov.
	20. Nov.
	28. Okt.
	5. Nov.